



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Svcqv̄et E Societate Iesv Via Vitæ Æternæ

Sucquet, Antoine

Antverpiae, 1630

Alia è D. Vincentio

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

Documenta, seu consilia saluberrima, in quibus se exercere debet, qui vult evadere laqueos diaboli, è tractatu S. Vincentij de vitâ spirituali deprompta.

QVI vult fugere atque evadere laqueos atque tentationes Antichristi, seu diaboli finales, debet habere in proprio sentimento sui, duo. Primò, quòd sentiat de seipso, sicut de uno corpore mortuo, pleno vermibus, & malè olenti, & sicut de uno cadavere, quod dedignatur videre & intueri, imò super quod claudit nares, propter ejus pessimum odorem & foetorem, & à quo avertit faciem, ut non videat talem & tantam abominationem. Sic oportet, charissime, facere semper mihi, & tibi, sed plus mihi, quia tota vita mea foetida est, totus foetidus sum, & corpus meum, & anima mea, & omnia quæ intra me sunt, face & putredine peccatorum & iniquitatum foetidissima & abominabilissima sunt. & quod deterius est, quotidie hunc foetorem in me sentio recentius & angustius revocari. Et debet talem foetorem de seipsâ sentire fidelis anima cum maxima verecundiâ coram Deo, sicut coram illo, qui omnia videt, & scit, sicut si esset coram districto judicio, & dolere maximè de offensa Dei, & perditione gratiæ animæ, in quâ erat, quando redempta fuit preciosissimo Christi sanguine, & abluta per Baptismum. Et sicut sibi & Deo foetere se credit & sentit, sic etiam credat & sentiat: quòd non solum coram Angelis, & sanctis animabus, sed etiam coram omnibus hominibus viventibus, sit abominabilis & foetidus, & quia facta & dicta sua non solum homines videre & audire dedignantur, sed quòd nares suas claudant, & avertant facies suas, ne ipsum videant, & tamquam foetidum cadaver de medio eorum expellant, & sit ab eis aliena us & separatus & projectus, sicut plusquam leprosus, usquequo veniat & reveniat ad seipsum. Et si quis de eo justitiam faceret, & de corpore suo sentiat quod justum est, & ita credat, etiamsi sibi oculi eruerentur, nasus truncaretur, manus abscinderentur, & aures, & os, & sic de aliis sensibus corporalibus & membris, quia cum his omnibus Deum offendit & creatorem. Item quòd despici desideret, & contemni, & quòd omnia vituperia, verecundias, diffamationes, injurias, blasphemias, & cetera adversa, summo cum gaudio & latitudinè recipiat, & patienter

*Quid de te sentire de-
beas, vide.*

*Quid de
beas velle
assumere.*

*Humilitas
& patientia
perfecta.*

Bbbb

tienter

*Diffidentia
sui.*

*Christus
crucifixus
semper sit
in corde.*

*Septiformis
affectus in
Deum.*

*Septiformis
affectus erga
nos ipsos.*

tienter ferat. Et oportet quòd diffidas de teipso totaliter, & de omnibus bonis tuis, & de tota vita tua, & convertas te totum, & reclines super brachia IESV Christi pauperrimi & vilissimi, & improperti, despecti, & mortui propter te, usquequo tu sis mortuus in omnibus sentimentis tuis humanis, & IESVS Christus crucifixus vivat in corde tuo, & in tua anima, & totus transformatus & transfiguratus, cordialiter sit in te: ut nunquam videas, nec sentias, nec audias, nisi ipsum solum stantem in cruce propter te, mortuum & suspensum, ad exemplum Virginis Mariæ, mortuus in mundo, & vivens in fide: & quòd in illa fide vivat tota anima tua usque ad resurrectionem, in qua Dominus immittet gaudium spirituale, & donum Sancti Spiritus in anima tua, & in illis personis, in quibus debet renovari status Apostolorum, & Ecclesiæ sanctæ Dei, exercens te in sanctis orationibus sive sacris meditationibus & affectionibus ad obtinenda dona virtutum, & gratiam Dei. Sed debes præcipuè septiformi affectu exerceri ad Dominum, scilicet amore ardentissimo, timore summo, honore debito, zelo constantissimo, & illis debet adjungi gratiarum actio, & vox laudis, omnimodæ obedientiæ promptitudo, & suavitatis divinæ pro posse degustatio. Et ideò continuè debes ista septem devotè petere à Deo, utpote dicendo, bone IESV, fac ut totis medullis amem te, summè timeam, reverear, & pro omni honore tuo fortissimè zelari, ità quòd omne tuum opprobrium, tanquam tuæ gloriæ zelotypus vehementissimè exhorrescam, & potissimè, si in me, aut à me, vel pro me facta tibi sint opprobria ulla. Deinde da etiam ut te Dominum, tanquam tua creatura humiliter adorem & recognoscam, & de omnibus beneficiis à te mihi impensis, gratias semper agam, & hoc cum summâ gratitudine cordis. Da etiam ut in omnibus semper te benedicam, laudem & magnificem, & hoc cum summo jubilo & tripudio cordis, & tibi in omnibus obtemperans, & obediens, semper reficiar dulcissimâ tuâ & ineffabili suavitate, cum sanctis tuis Angelis & Apostolis tuæ mensæ assistens, licet omnino indignus & ingratus. Qui cum Patre, &c. Debet etiam circa seipsum exerceri alio septiformi affectu. Primò, scilicet quòd totus de suis vitiis & defectibus confundatur. Secundò, ut peccata sua tanquam offensiva, & sui ipsius maculativa acutissimo & acerbissimo dolore plangat & deploret. Tertiò, humiliatione sui, & conculcatione, cum contemptu, ut scilicet totis viribus se sicut rem vilissimam & sœtidissimam spernat, & contemni appetat.

petat, ut dictum est. Quarto, rigore severissimo, ut scilicet corpus suum asperrimè maceret, & macerari appetat, tamquam peccato foetidum, imò tamquam latrina & sentina, & tumulus omnium foeditatum. Quinto, irà, implacabili contra omnia vitia sua, & contra radices & inclinationes vitiorum suorum. Sexto, vigore pervigili & strenuo, ut scilicet omnes sensus, actus, potentias suas, semper cum quâdam virilissimâ strenuitate, in omne bonum teneat pervigiles & attentos. Septimò, discretionè perfectâ modestiæ seu moderantiæ, ut scilicet in omnibus districtissimè servet mensuram, & modum, videlicet inter nimium & non satis, ut scilicet nihil sit in eo superfluum, nihil diminutum aut defectivum, nec plusquam debet, aut minus quàm deceat. Debet etiam circa proximum se exercere alio septiformi affectu, Primò, scilicet per piam compassionem, ut scilicet ita sentiat aliorum mala & incommoda, sicut sua. Secundò, per dulcem congratulationem, ut scilicet de aliorum bonis lætetur sicut de suis. Tertiò, per tranquillam supportationem, & condonationem, ut scilicet molestias & injurias ab aliis illatas patienter toleret, & ex corde indulgeat & condonet. Quarto, per benignam affabilitatem, ut scilicet sit ad omnes benignus, & omnibus bonum affectet, & optet, & talem se exhibeat in gestibus suis & verbis. Quinto, per reverentiam humilem, scilicet, ut omnes sibi præferat, & omnes revereatur, & omnibus ex corde se subdat, tamquam dominis suis. Sexto, per concordiam unanimem, ut scilicet quantum in se est, & quantum secundum Deum potest esse, unum sentiat cum omnibus: & ita sentiat se esse omnes. & illos se, & omnium rectum velle, pro suo reputer: & è contrà. Septimò, per Christi formem sui pro omnibus oblationem, scilicet, ut ad instar Christi pro omnium salute sit paratus, & sollicitus ponere vitam suam, & die, noctuque orare & laborare, quòd omnes in Christo inviscerentur, & Christus in eis. Sed tamen, ne ex hoc credatur, quin vitia hominum sint pro toto posse cavenda & fugienda, sciendum, quòd quancumque ex societate malorum hominum, vel imperfectorum, periculum imminet vel occasio retrahens vel impediens à perfectione, vel fervore prædictarum virtutum, debes à talibus, sicut à serpentibus, vel draconibus elongari. Non enim est carbo ita ignitus, quin in aquâ frigescat aut tepescat: sic è contrà, vix est carbo ita frigidus, quin acervo carborum ardentium accendatur. Aliàs ubi periculum hujusmodi non imminet, ex merâ simplicitate de-

*Septiformis
affectus circa
proximum.*

*Consortium
malū suæ.*

*Quomodo se
anima ad
temporalia
habere de-
bet.*

*Povertatis
& pauperū
amor.*

bes aliorum non videre defectus; aut si videas, per compa-
sionem supponere ut tua. Ut autem utiliter ad tempora-
lia, & aeterna te habeas perfectè, scito, quod temporalia de-
bes aspiciere sub quadruplici sensu. Primò, scilicet ut tam-
quam peregrinus & advena sentias omnia ut extranea &
aliena, in tantum, ut tua vestis tuo sit sensui ita extranea, ac si
esset in Indià. Secundò, ut in tuo usu abundantiam timeas, ut
venenum, & ut mare submergens. Tertiò, ut in tuo usu o-
mnem inopiam & egestatem sentias, quia ipsa est scala
per quam ascenditur ad caelestes divitias & aeternas. Quartò
ut societatem, contubernium & apparatus divitum & ma-
gnatum fugiens, non ex contemptu tantum de societate pau-
perum gloriaris, & in memoria, & adpectu, atque con-
versatione pauperum & despectorum totus lateris, quasi ex-
pressâ imagine Christi, & eis quasi Regibus cum sum-
mâ alacritate, & jucunditate, & reverentiâ associe-
ris.

*Documenta ad perfectionem ex Divi
Bernardi Formulâ honesta
vita.*

*Contemptus
rerum hu-
manarum.
Resignatio.*

SI plenè vis assequi quod intendis, duo sunt tibi necessaria;
Primum est ut subtrahas te ab omnibus transitoriis re-
bus, & terrenis, ut nihil de eis cures, ac si non essent. Secun-
dum, ut ita te des Deo, ut nihil dicas vel facias nisi quod
credideris firmiter placere Deo. Primum autem assequeris
hoc modo. Omnibus modis, quibus potes, te vilifica, te ni-
hil reputando esse, sed credas omnes homines esse bonos &
meliores te, magisque placere Deo: quaecumque audis, vel
vides in Religionis personis, puta bonâ intentione dici vel fieri,
etiam si contraria videantur: nam humana suspicio facilè
fallitur. Nulli displiceas, nihil unquam de te loquaris quod
laudem importet, quantumcumque sit familiaris ille cum
quo loqueris: imò plus labora calare virtutes, quam vitia.
De nullo prorsus sinistrè loquaris (quantumcumque sit
verum vel manifestum) nisi in confessione, & hoc, ubi non po-
tes aliter manifestare peccatum tuum. Libentiùs accommo-
da aurem tuam, cum aliquis laudatur, quam cum vituperatur.
Cum loqueris, verba tua sint rara, vera, ponderosa, & de
Deo: si saecularis loquitur tecum, & vana proponit, quam
citiùs potes succide sermonem, & transferas te ad ea quae Dei
sunt.

*Lau pro-
pria fugien-
da.
Retractio.*

*Sermo qualis
sit oportet.*